

Expte: 2119-232
Relinur. 02-11-2023

DILIGENCIA: Para hacer constar que el presente edicto estuvo expuesto en el Tablón oficial de anuncios de este Ayuntamiento, durante el plazo reglamentario.

CONCELLO
DE VIGO



Exp. 41057/220

Vigo, 02-11-2023

El Secretario General

P.A.

El Jefe del Registro General.

Jose Manuel Gonzalez Ucha

PROCESO SELECTIVO PARA A COBERTURA DE OITO PRAZAS DE SUBALTERNA/O (TRES RESERVADAS A PERSOAS CON DIVERSIDADE FUNCIONAL E UNHA RESERVADA A PERSOAS CON DIVERSIDADE FUNCIONAL INTELECTUAL), POLA QUENDA LIBRE E O SISTEMA DE OPOSICIÓN, DERIVADO DA EXECUCIÓN DA OFERTA DE EMPREGO PÚBLICO DO CONCELLO DE VIGO 2017-2018-2019 (3ª FASE)

ANUNCIO: RESOLUCIÓN DAS RECLAMACIÓNS AO 1º EXERCICIO, CORRECCIÓN DE ERROS DO ANUNCIO PUBLICADO O DÍA 06.10.2023 E CONVOCATORIA DO 2º EXERCICIO (PRÁCTICO, OBRIGATORIO E ELIMINATORIO)

En sesión do día 17.10.2023, o órgano de selección do presente proceso selectivo acordou:

RESOLUCIÓN DAS RECLAMACIÓNS PRESENTADAS AO 1º EXERCICIO POLAS PERSOAS ASPIRANTES:

Aspirante: Calles Alonso, B.
Data de presentación: 05.10.2023
Cod.Sol.: W978769-3371

Solicita: que sexan comprobadas as respostas marcadas na súa folla de respostas dado que considera que só errou nunha resposta (á relativa á pregunta número 26) e non en dous como reflicten os resultados publicados o día 04.10.2023.

Acordo: O escrito foi presentado antes da apertura do prazo de reclamacións. Non obstante, non existindo inconveniente en realizar a comprobación solicitada, verificouse a plantilla de respostas correspondente ao código do aspirante e contrastouse coa plantilla de respostas correctas.

Contrastadas ambas follas compróbase que a folla de respostas do aspirante contén dúas respostas incorrectas:

- Pregunta número 13: na folla de respostas figura marcada a letra A), sendo a resposta correcta a C)
- Pregunta número 26: na folla de respostas figura marcada a letra A), sendo a resposta correcta a B)

Xa que logo, verificase que a plantilla de respostas presenta dúas respostas incorrectas.

Desestímase a reclamación. Non será obxecto de publicación a folla de respostas do reclamante.

Aspirante: Roca Barcia, A.
Datos de presentación: 06.10.2023 e 09.10.2023
Cod. Sol.: W979238-6875 (presentada o 06.10.2023) e doc. 230319604 (presentada o 09.10.2023)

Solicita: a anulación da pregunta número 8 do cuestionario tipo test, ao considerar que a pregunta formulada non garda correspondencia co temario específico, aínda que si relaciona o seu contido co tema 10. O aspirante considera que o enunciado da pregunta unicamente podería estar referido ás illas Cíes, por ser as únicas pertencentes ao termo municipal de Vigo. Tamén impugna a pregunta número 30, relativa ás portas de

1



Copia do documento - Concello de Vigo	Data impresión: 26/10/2023 12:04	Páxina 1 de 21
230339825	CSV: AHA131-3DEHE8-C848BH-ZWB6QW-LQ7Q9C-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



emergencia, afirmando que as respostas a) e b) son correctas por figurar no Anexo I, 10.5º do Real decreto 486/1997, do 14 de abril, polo que se establecen as disposicións mínimas de seguridade e saúde nos lugares de traballo, sendo incorrecta a opción c) e ofrecendo confusión a alternativa d), segundo afirma, por non figurar no dito Real decreto. Solicita tamén que se anule a lectura do segundo exercicio.

Acordo: A reclamación con entrada no Rexistro xeral do Concello de Vigo o día 06.10.2023 foi presentada antes da apertura do prazo para a súa presentación, non obstante, dado que con data 09.10.2023 presentou idéntico escrito coas mesmas solicitudes e manifestacións, procédese a informar o seguinte:

Tocante a pregunta número 8, cómpre referir o seu tenor literal, sendo este o seguinte:

“¿Qué archipiélagos integran el “Parque Nacional marítimo-terrestre de las Islas Atlánticas de Galicia?”:

- a) Los archipiélagos de Cíes, Ons, Cortegada y Sálvora.
- b) Los archipiélagos de Cíes y Ons.
- c) Los archipiélagos de Cíes, Ons, Cortegada, Sálvora y Tambo.
- d) El archipiélago de Cíes, exclusivamente.”

A resposta correcta é a opción a): “*Los archipiélagos de Cíes, Ons, Cortegada e Sálvora*”.

O tema 10 do temario específico (BOP número 180, do 20.09.2020) está conformado polos seguintes epígrafes:

“Breve descripción do termo municipal de Vigo. Localización dos distintos servizos municipais e centros oficiais. Principais vías urbanas, monumentos e lugares de interese cultural, artístico, deportivo e turístico da cidade”.

A este respecto compre salientar que, dende un punto de vista descritivo, Vigo, a cidade máis poboada de Galicia, está encravada nunha das paisaxes máis fermosas da península, dominando a Ría que leva o seu nome, a máis sureña das Rías Baixas. A Ría de Vigo posúe excelentes condicións naturais de navegación, resultando un lugar ideal para desfrutar de actividades náutico-deportivas co horizonte final das Illas Cíes (San Martiño, Monte Faro e Monte Agudo). Así pois, as illas Cíes forman parte do termo municipal de Vigo e están integradas nun espazo natural protexido único na Comunidade Autónoma de Galicia e sobradamente coñecido: o Parque Nacional Marítimo-Terrestre das Illas Atlánticas de Galicia.

A propia web municipal do Concello de Vigo ofrece unha resumida información sobre o dito termo municipal, abordando cuestións tales como a poboación, unha breve reseña histórica, os puntos de interese ou a imprescindible referencia á Ría de Vigo e ás Illas Cíes, indiscutibles referentes para comprender a cidade e a súa fachada litoral; lugar de singular beleza e atractivo. Dentro desta breve información, a web realiza unha obrigada referencia ao Parque Nacional Marítimo-Terrestre das Illas Atlánticas de Galicia, do que as Illas Cíes forman parte xunto cos arquipélagos de Ons, Cortegada e Sálvora. Esta información, xa que logo, ofrécese dende a propia web municipal como o mínimo contexto territorial ou descritivo do municipio e como información de interese para achegarse á realidade do termo municipal de Vigo.

Ademais, é de salientar que a protección dos arquipélagos das illas Cíes, Ons e Sálvora iniciouse xa nos anos oitenta ao declararse, mediante Real decreto 2497/1980, o Parque Natural das Illas Cíes, polas súas singulares características de flora, fauna e paisaxe, incorporándose posteriormente a illa de Cortegada e o seu espazo marítimo adxacente á declaración do conxunto como Parque Nacional marítimo-terrestre das Illas Atlánticas de Galicia contida na Lei 15/2002, do 1 de xullo, pola que se declara o Parque Nacional marítimo-terrestre das Illas Atlánticas de Galicia. A conformación do devandito Parque Nacional polos ditos arquipélagos mantense inmutable



Copia do documento - Concello de Vigo	Data impresión: 26/10/2023 12:04	Páxina 2 de 21
230339825	CSV: AHA131-3DEHE8-C848BH-ZWB6QW-LQ7Q9C-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		